

四庫全書

集部

欽定四庫全書

集部

古詩紀卷卒八至

詳校官檢討臣德生

侍讀臣孫球覆勘

總校官知縣

臣

楊懋珩

校對官編修

臣

吳裕德

謄錄監生

臣

湯師錫

欽定四庫全書

古詩紀卷六十六

明 馮惟訥 撰

齊第一

高帝

姓蕭氏諱道成字紹伯仕宋累封齊王廢宋自立○詩品曰齊高帝詩詞藻意深無所云少

塞客吟

此詩見蘇侃傳外編逸軌皆作侃詩非也

齊書曰高帝在淮上取蘇侃為冠軍錄事參軍是時新失淮北遣帝北戍每歲秋冬間還淮騷動帝廣遣偵候安集荒餘又營碭城府帝在兵中久見疑於時乃作塞客吟以喻志侃達此旨更自勸勵

委以府事深見知待

寶緯素宗神經越序德晦河晉力宣江楚雲雷兆壯天

山繇武直髮指河

一作秦

關凝精越漢渚秋風起塞草哀

鷗鴻思邊馬悲平原千里顧但見轉蓬飛星嚴海淨月
徹河明清輝映幕素液凝庭金茄夜厲羽轄晨征幹晴
潭而悵泗枻松洲而悼情蘭涵風而瀉艷菊籠泉而散
英曲繞首燕之歎吹軫絕越之聲歛園琴之孤弄想庭
藿之餘馨青關望斷白日西斜恬源靚霧壑首暉霞戒
旋鷗躍還波情綿綿而方遠思裊裊而遂多粵擊秦中

之筑因為塞上之歌歌曰朝發兮江泉日夕兮陵山驚
飈兮滯汨淮流兮潺湲胡埃兮雲聚楚旆兮星懸愁壙
兮思宇惻愴兮何言定寰中之逸鑒審雕陵之迷泉悟
樊籠之或累悵遐心以棲玄

羣鶴詠

南史曰齊高帝鎮淮陰為宋明帝所疑被徵為
黃門郎深懷憂慮見平澤有羣鶴命筆詠之

八風舞遙翮九野弄清音一推雲間志為君苑中禽

武帝

諱贍字宣達高帝長子也初仕宋為江
州刺史輔高帝受禪功參佐命後嗣位

估客樂

古今樂錄曰估客樂者齊武帝之所製也帝布衣時嘗遊樊鄧登祚以後追憶往事而作歌使樂府令劉瑤管絃被之教習卒遂無成有人啟釋寶月善解音律帝使奏之旬日之中便就諧合敕歌者常重為感憶之聲猶行於世寶月又上兩曲帝數乘龍舟遊五城江中放觀以紅越布為帆綠絲為帆絳鑰石為篙足篙榜者悉著蓑林布作淡黃袴列間使江中衣出五城殿猶在齊舞十六人梁八人唐書樂志曰梁改其名為商旅行

昔經樊鄧役阻潮梅根渚感憶追往事意滿辭不叙

竟陵王子良

字雲英武帝第二子也幼聰敏宋末為
即陵王友武帝即位封竟陵王南徐州

刺史又兼司徒進號車騎將軍禮才好士傾
意賓客天下才學皆遊集焉隆昌元年薨

九月侍宴

月殿風轉層臺氣寒高雲歛色遙露已團式詔司警言
戾秋巖輕觴時薦落英可食

侍皇太子釋奠宴

霜輕流日風送夕雲雕檐結綵綺井生文四璉合旨八

簋舒芬

闕

遊後園

託性本禽魚棲情閒物外
蘿徑轉連綿松軒方杳藹
丘壑每淹留風雲多賞會

闕

行宅

井序

余稟性端疎屬愛閒外往歲羈役浙東備歷江山之
美名都勝境極盡登臨山原石道步步新情迴池絕
澗往往舊識以吟以詠聊用述心

訪宇北山阿卜居西野外幼賞悅禽魚早性羨蓬艾

闕

登山望雷居士精舍同沈右衛過劉先生墓下作

并序〇一作同隨王
經劉先生墓下作

沛國劉子珪學優未仕跡邇心遐履信體仁古之遺
德潛舟迅景滅賞淪輝言念芳猷式懷嗟述屬舍弟
隨郡有示來篇彌緘久要之情益深宿草之歎外望
西山率爾為答雖因事雷生實申悲劉子云爾

劉璣字子

珪沛郡相人
南史有傳

漢陵淹館蕪晉殄

一作彌

洙風缺五都聲論空三河文義

絕興禮邁前英談玄踰往哲明情日夜深徽音歲時滅

垣井總已平煙雲從容裔爾歎牛山悲我悼驚川逝

隨郡王蕭子隆

字雲興武帝第八子性和美有文才為都督荊州刺史歷侍中中軍大將

軍明帝輔政謀害諸王子隆被害

經劉瓛墓下

升堂子不謬問道余未窮如何辭白日千載隔音通山
門一已絕長夜緬難終初松切暮鳥新楊催曉風榛闕
向蕪密泉途轉銷空

王儉

字仲寶琅邪人宋孝武時襲爵豫寧縣侯明帝選尚陽羨公主拜駙馬都尉官至侍中後輔齊

高帝受禪改封南昌郡
公累遷侍中尚書令

侍皇太子釋奠宴

南齊禮志永明二年皇太子
講孝經親臨釋奠車駕幸聽

禮惟國幹義實民端身由業澡世以教安金鎔乃器水
衍伊瀾漸芳則馥履永固寒瞽宗務時類宮善誘谷此
含生躋彼仁壽淳移雅缺歷茲永久遊藝莫師獨學誰
友三兆戒辰八鸞警旦風動萬宮雲棲叅館禮邁仁周
樂超英邁神保爰格祝史斯飭贊鬱鬯既終德馨是與降

冕上庠升晏東序槐宰金貞藩維玉譽時彥莘莘國
胄楚楚

侍太子九日宴玄圃詩

明明儲后冲默其量徘徊禮樂優游風尚微言外融幾
神内王就日齊暉儀雲等望本茂條榮源澄流潔漢稱
間平周云魯衛浴我藩華方軼前軌秋日在房鴻鴈來
翔寥寥清景霽霽微霜草木搖落幽蘭獨芳眷言淄苑
尚想濠梁既暢旨酒亦飽微猷有來斯悅無遠不柔

贈徐孝嗣

婉婉遊龍載遊載東靡靡行雲並躍齊蹤無類不感有
來斯雍之子云邁嗟我莫從歲云暮止述職戒行崇蘭
罷秀孤松獨貞悲風宵遠乘鴈晨征撫物遐想念別書

情

南史載四句曰方軌叔茂追清彥輔柔亦不
茹剛亦不吐時人以比蔡子尼之行狀也

春日家園

徙倚未云暮陽光忽已收羲和無停晷壯士豈淹留冉

冉

一作
在薄

老將至功名竟不修稷契匡虞夏伊呂翼商周

撫躬謝先哲解紱歸山丘

春詩二首

蘭生已匝苑萍開欲半池
輕風搖雜蕩細雨亂叢枝
風光承露照霧色點蘭暉
青莢結翠藻黃鳥弄春飛

春夕

露華方照歲雲彩復經春
虛閨稍疊草幽帳日凝塵

後園餞從兄豫章

茲夕竟何夕念別開曾軒
光風轉蘭蕙流月汎虛園

王僧祐

字僧宗微從子也舉秀才為驃騎法曹雅好博古善老莊亭然獨立不交當世仕至太子

中舍

人

贈王儉

南史曰僧祐儉之從弟也儉嘗鳴笳列騶至僧祐門僧祐輒稱疾不出儉曰此吾之所望於若人也世皆推儉之愛名德而重僧祐之不趨數也

汝家在市門我家在南郭汝家饒賓侶我家多鳥雀

徐孝嗣

字始昌東海郟人也高宗康樂公主拜駙馬都尉入齊累遷侍中封枝江縣侯東昏失德

將謀廢立事覺召入華林省飲藥死

白雪歌

一作
琴歌

風閨晚翻靄月殿夜凝明
願君早流眄無令春草生

古詩紀卷六十六

欽定四庫全書

古詩紀卷六十七

明 馮惟訥 撰

齊第二

王融

字元長瑯邪人僧達之孫也少警慧博涉多通仕齊武帝遷秘書丞歷中書郎竟陵王子良拔

為寧朔將軍武帝大新謀立子良及薨林即位下獄賜死○詩品曰齊寧朔將軍王融詩齊中庶子

劉繪詩元長士章並有盛才詞義英淨至於五言之作幾乎尺有所短譬應變將略非武侯所長未

足以貶
卧龍也

樂府

齊明王歌辭七首

應司徒敕作
以下五言

明王曲

明王日月照至樂天地和幸息雲門吹復歇咸池歌桂

序

一作房

金鉈轉瑤軒絲石羅朱騏步躑躅玄鶴舞蹉跎

露凝嘉草秀煙度醴泉波皇基方萬祀齊民樂如何

聖君曲

聖君應昌厯景祚啓休期龍樓神睿道兔園仁義基海
蕩萬川集山崖百草滋盤苗成萃止渝韎異來思清明

動離軫感惠

一作懷

被殊辭大哉君為后何美唐虞時

淶水曲

湛露改寒司交鶯變春旭瓊樹落晨紅瑤塘水初淶日

霽沙淑明風泉動

藝文作暗

華燭遵渚泛蘭觴乘漪弄清曲

斗酒千金輕寸陰百年促何用盡歡娛王度式如玉

採菱曲

炎光銷玉殿涼風吹鳳樓雕輜

一作青輅

縹平隰朱櫂泊安

流金華妝翠羽鵲首畫飛

一作龍

舟荆姬採菱曲越女江

南謳騰聲翻葉靜發

一作散

響谷雲浮良時時一遇佳人

難再求

清楚引

平原數千里飛觀鬱岩岩清月同將曙浩露零中宵
轉葉度沙海別羽自冰遠四面通寒色左右竟嚴飈
澠多榛梗京索久塵苗逝將憑神武奮劍湯遺妖

長歌引

周雅聽休明齊德觀升平紫煙四時合黃河萬里清翠

柳蔭通街朱闕臨高城方轂雷塵起接袖風雲生酣笑
爭日夕絲管互逢迎徂年無促慮長歌有餘聲

散曲

金枝湛明燎繡幕列芳然層閨橫綠綺曠席緬朱纏楚
調廣陵散瑟柱秋風弦輕裙中山麗長袖邯鄲妍徐歌
駐行景迅節淪浮煙言願聖明主永永萬斯年

三婦艷詩

大婦織綺羅中婦織流黃小婦獨無事挾瑟上高堂丈

夫且安坐調弦詎未央

青青河畔草

容容寒煙起翹翹望行子行子殊未歸寤寐君

一作若

容

輝夜中心愛促覺後阻河曲河曲萬里餘情交襟袖疎

珠露春華返璿霜秋照

一作桂

晚入室怨蛾眉情歸為誰

婉

同沈右率諸公賦鼓吹曲二首

附見謝朓集或作朓詩非也

巫山高

想像

一作
髣髴

巫山高薄暮陽臺曲煙霞乍舒卷衡

一作
行

芳

自斷續

其作煙雲自卷
舒猿鳥時斷續

彼美如可期寤言紛在矚憮然

坐相思

一作
望

秋風下庭綠

芳樹

相望早春日煙華雜如霧復此佳麗人含情結芳樹綺
羅已自憐暄風多有趣去來徘徊者佳人不可遇

臨高臺

遊人欲騁望積步上高臺井蓮當夏吐窓桂逐秋開花

飛低不入鳥散遠時來還看雲棟影含月共徘徊

望城行

金城十二重雲氣出表裏萬戶如不殊千門反相似
車馬若飛龍長衢無極已簫鼓相逢迎信哉佳城市

法樂辭十二首

樂府作法
壽樂歌

天長命自短世促道悠悠禪衢開遠駕愛海亂輕舟
累塵曾未極心樹豈能籌情埃何用洗正水有清流

右歌本起

百神肅以虔三靈震且越恒

一作常

曜揜芳宵薰風動蘭

月丹榮藻玉墀翠羽文珠闕皓毳非虛來交輪豈徒發

右歌靈瑞

韶年春已仲明星夜未央千祀鍾休厯萬國會嘉祥金
容涵夕景翠鬢佩晨光表塵維淨覺汎俗迺輪皇

右歌下生

襲氣變離宮重柝驚層殿曼響感心神脩容轉惟宴生
老終已榮死病行當薦方為淨國遊豈結危城戀

右歌在宮

春枝多病天秋葉少欣榮心骸終委滅親愛暫平生
長風吹北隴迅瀑急東瀛知三既情暢得一乃身貞

右歌四遊

飛策辭國門端儀偃郊樹慈愛徒相思閨中空戀慕
風隸車往塗駿足獨歸路舉袂謝時人得道且還去

一作
廟

右歌出國

明心弘十力寂慮安四禪青禽承逸軌文驪

一作
驪

鏡重

川鷺巖標遠勝鹿野究清玄不有希世寶何以尊濛泉

右歌得道

亭亭雙月流朏晨霜結川上不徘徊條間亟渝滅靈

知湛常然符

一作俯

應有盈缺感運復來儀且厭人間世

泄音

右歌雙樹

一作實樹

春

一作春

山玉所府檀林芳

一作鷺

所棲引火歸炎燧挹水

自清隄菴園無異轍祇館有同躋比肩非今古接武豈

燕齊

右歌賢衆

昔余輕歲月茲也重光陰
閨中屏鉛黛闕下挂纓簪
禪悅兼芳旨法言戀一作忘清琴一異非
能辨寵辱誰為心

右歌學徒

峻宇臨層穹茗茗疎遠風
騰芳清漢裏響梵高雲中
金華紛苒若瓊樹鬱青葱
貞心延淨境邃業嗣天宮

右歌供具

影響未嘗隔晦明殊復親弘慈邈已遠
睿后扇高塵區中裊景福寓外沐深仁
萬祀留國祚億兆慶唐民

右歌福應

少年子

聞有東方騎遙見上頭人待君送客返
桂釵當自陳

江臯曲

林斷山更續洲盡江復開雲峯帝鄉起
水源桐柏來

思公子

春盡風颯颯蘭凋木脩脩王孫久為客思君徒自憂

王孫遊

玉臺作
春遊

置酒登廣殿開襟望所思春草行已歇何事久佳期

陽翟新聲

隋書翟
作澤

懷春發下蔡含笑向陽城耻為飛雉曲好作鷓鴣鳴

永明樂十首

謝朓
同賦

玄符昭景歷茂實偶英聲長為南山固水與朝日明
靈丘比翼棲芳林合條起兩代分憲章一朝會書軌

二離金玉相三袞蘭蕙芳重儀文世子再奉東平王
空谷返逸驂陰山響鳴鶴振玉躡丹墀懷芳步青閣
崇文晦已明膠庠雜復整弱臺留折巾沂川詠芳穎
定林去喧俗鹿野出埃霞香風流梵瑄澤雨散雲花
楚望傾澗滌日館仰鑒鈴已晞五雲發方照兩河清
幸哉明盛世壯矣帝王居高門夜不柝飲帳曉長舒
總棹金陵渚方駕玉山阿輕露炫珠翠初風搖綺羅
西園抽蕙草北沼掇芳蓮生逢永明樂死日生之年

奉和秋夜長

玉臺作
秋夜

秋夜長夜長樂未央舞袖拂花燭歌聲繞鳳梁

詩

贈族叔衛軍

台曜澄華鉉岳裁峻經天為象麗地作鎮不器其德有
斐斯文質超瑚璉才逸卿雲操筆泉瀉動詠靈紛德馨
伊何如蘭之宣貞筠抽箭潤璧懷山六樂畢該五禮備
貫七訓是敷三英有榮惟旦惟公惟公惟旦

從武帝琅邪城講武應詔

治兵聞魯策訓旅見周篇教民良不棄任智理恒全
白日映丹羽頽霞文翠旃凌山炫組甲帶水被戈船
凝葭鬱摧愴清管乍聯綿早逢文化洽復屬武功宣
願陪玉鑾右一舉掃燕然

棲玄寺聽講畢遊邱園七韻應司徒教

道勝業茲遠心閒地能曠桂橑鬱初栽蘭墀坦將闢
虛檐對長嶼高軒臨廣液芳草列成行嘉樹紛如積
流風

轉還音旋逕清煙泛喬石日汨山照紅松映水華碧暢哉

人外賞遲遲眷西夕

雜體報范通直

和璧荆山下隋珠漢水濱無雙自昔代有美今為隣三
楚多秀士江上復才人緯綃非善賈聖德可名臣追飛
且學步共子奉清塵紫庭風日好青槐枝葉新徘徊吹

樓側欲見心所親倘君蘭蕙草何用以書紳

莊子河上
有家負恃

緯蕭而食者註蕭蒿也纖蒿為薄綃疑
蕭字之誤也倘未詳音義融集作微

蕭諮議西上夜集

古丈苑作
別蕭諮議

徘徊將所愛惜別在河梁衿袖三春隔江山千里長寸
心無遠近邊地有風霜勉哉勤歲暮敬矣事

玉臺作慎

容光

山中殊未憚杜若空自芳

別王丞僧孺

藝文作
謝朓

首夏實清和餘春湍郊甸花樹雜為錦月池皎如練如

何於

一作當

此時別離言與宴留雜已鬱紆行舟亦遙衍

非君不見思所悲思不見

寒晚敬和何徵君點

踈酌候冬序閒琴改秋律如何將暮天復值西歸日搖
落迎軒牖飛鳴亂繩葦煙灌共深陰風簟雨蕭瑟虛堂
無笑語懷君首如疾早輕北山賦晚愛東臯逸上德可
潤身下澤有徐轡

叶音
必

和王友德元古意二首

遊禽暮知返行人獨未歸坐銷芳草氣空度明月輝
嘖容入朝鏡思淚點春衣巫山彩雲沒淇上綠楊稀待君

竟不至秋鴈雙雙飛

霜氣下盟津秋風度函谷念君淒以寒當軒卷羅縠織
手廢裁縫曲鬢罷膏沐千里不相聞寸心鬱紛蘊平聲況
復飛螢夜木葉亂紛紛

奉和竟陵王郡縣名

追芳承荔浦揖道訊虛丘升居臨廣牧從望盡平洲曾
山臨翠坂方渠緬清流陽臺翻早茂陰館懷名秋歲宴
東光弭景仄西華收端溪慙昔彥測水謝前修往食曲

阜盛今屬平臺遊燕棠缺初雅鄭衮息遺謳久傾信都
美乃結茂陵儔河間誠可詠南海果難遊

遊仙詩五首

集云
應教

桃李不奢年桑榆多暮節常恐秋蓬根連翩因風雪習
道遍槐岷追仙度瑤碣綠帙啓真詞丹經流妙說長河
且已縈曾山方可礪叶音
列

獻歲和風起日出東南隅鳳於亂煙道龍駕溢雲區結
賞自員嶠移讌乃方壺金卮浮水翠玉掌挹泉珠徒用

霜露改終然天地俱

命駕瑤池隈過息羸女臺長袖何靡靡簫管清且哀璧
門涼月舉珠殿秋風迴清鳥驚高羽王母傳玉杯舉手
暫為別千年將復來

湘沅有蘭芷汨吾欲南征遺珮出長浦舉袂望增城朱
霞拂綺樹白雲照金楹五芝多秀色八桂常冬榮弭節
且夷與參差聞鳳笙

命駕隨所即燭龍導輕鑣沙澤振寒草弱水駕冰潮遠

翔馳聲響流雪自飄颻忽與若士遇長舉入雲霄羅繹
徒有睨蜺螟已寥寥

淨行詩十首

廣弘明集作淨行
頌初學記作詩

冥津殊復曉高聽亦能卑陰墻雖雨密幽夜有四知炎
山飈烈火冰澗巾寒漸羅城振雲幕鋒樹鬱霜枝茹荼
非云苦集木豈稱危求仁曾已得長歎欲何為

韞石諒非真飾瓶信為假竊服臯門上濫吹溜軒下鳳
祀徒驚心騶文終好野實相豈或照浮榮未能捨迹殊

冠冕客事襲驅馳者已矣歇鄭聲無然亂周雅

處塵貴不染被褐重懷珠美玉曜幽石曾蘭挺叢芻四

氏

一作民

不為侶三界豈能渝諒茲親愛染寧以財利拘

煩流捨智寶榛路坦夷途萬物竟何匹烈火樹紅芙

一作

跌

心怨動紛繞情怡輒遷互歡愛一離遠傷憂坐哀暮連
幌結清陰高臺起風露腐毒緣芳旨天伐實修嫿慾網
必虧生繁且或全兔眇眇夜何期悠悠終肯悟

端襟測煩海橋步寫埃氛三受猶絕雨八苦若浮雲輸
心仰圓極罄質委方墳朝遊淨國侶暮集靈山羣燈
祇開遠照香宇薦嘉薰俛首睇人俗信矣靜為君

生塗非一理識緒固饒津徒駭東陵富空嗟北郭貧國
生曾已戾顏氏信為仁逢尤昭往業習善會茲身勤憂
永夷泰晏安終苦辛令名且云重豈若樹良因

神膏施唯重玄酒恩未隆明璣隨水上潤玉藍田中稟
天性所極資敬道攸崇羽毛共以勢輪軌相為通報德

愴前雅酌言愛餘風遵塗每多舛顧省能無冲

冬狐狸豐毛春蠶緒輕絲形骸翻為阻心識還自欺華
榮羈州日生平少年時驅車追俠客酌酒弄妖姬但念
目前好安知身後悲惕然一以愧永與情愛辭

蘭室改蓬心梅崖變伊草丹青有必渝絲繅一作素豈常

皓曲轅且繩直詭木遂彫藻一簣或成山百里倦中道

隆

一作崇

漢乃王臣失楚信元保勉矣德不孤至言匪虛

造

金山嚴寶仞瓊甍烈瑤英墻狐議不窟檐燕豈能棲淨
花莊思序慧沼盟身倪六羣儻未一七衆固恒齊端儀
有直景正道無傾蹊維宮超以悟襄野竟何迷

春遊迴文詩

藝文類聚
作賀道慶

枝分柳塞北葉暗榆關東垂條逐絮轉落葉散花叢池
蓮照曉月幔錦拂朝風低吹雜綸羽薄粉艷粧紅離情
隔遠道歎結深閨中

侍遊方山應詔

巡躅望登年。帳飲臨秋縣。日羽鏡霜淥。雲旗落風甸。四瀛良在目。八寓宛如見。小臣竊自嘉。預奉柏梁讌。

奉辭鎮西應教

未學謝能美。高義幸知遊。雷庭參辯奭。梁苑豫才鄒。徘徊歲光晚。搖落紅樹秋。風旗繁別浦。霜琯迓遙洲。

餞謝文學離夜

所知共歌笑。誰忍別笑歌。離軒思黃鳥。分渚愛青莎。翻情結遠旆。灑淚與行波。春江夜明月。還望情如何。

和南海王殿下詠秋胡妻七首

樂府作
秋胡行

日月共為照松筠俱以貞
佩紛甘自遠結鏡待君明
且協金蘭好方愉琴瑟情
佳人忽千里幽閨積思生

景落中軒坐悠悠望城闕
高樹升夕煙層樓滿初月光
陰非或異山川屢難越
輟泣掩鉛姿搔首亂雲髮

傾魄屬徂火搖念待方秋
涼氣承宇結明燭倬堦流
三星亦虛映四屋慘多愁
思君如萱草一見乃忘憂

杼軸鬱不諧契濶彌新故
朔風欄上發寒鳥林間度
客

遠乏衣裘歲晏饒霜露參差興別緒依遲起離慕
願言如可信行邁亦云反睇景不告勞瞻途寧遽遠何
以淹歸轍蠶妾事春晚送目亂前華馳心迷舊婉
椒珮容有結振芳跂路隅黃金徒以賦白珪終不渝明
心良自皎安用久踟躕遄車及粉巷流日下西虞
披帷悵有望出門遲所欲彼義復來儀慙顏變吹矚蘭
艾隔芳臭涇渭分清濁去去夫人子請殉川之曲

琵琶

見謝
朓集

抱月如可明懷風殊復清絲中傳意緒花裏寄春情
掩抑有奇態悽鏘多好聲芳袖幸時拂龍門空自生

詠慢

古文苑
作謝朓

幸得與珠綴羃羃君之楹月映不辭卷風來輒自輕每
聚金爐氣時駐玉琴聲但願置尊酒蘭缸當夜明

藥名

以下二首見
事林廣記

重臺信嚴敞陵澤乃閒荒石蠶終未繭垣衣不可裳秦
芎留近詠楚蘅搢遠翔韓原結神草隨庭銜夜光

星名

眇歎屬辰移端憂臨歲永久慙入漢客每愧遵河影仙
羽誠不退蓬襟良未整誰謂無正心大陵有霜穎

奉和月下

雕雲度綺錢香風入珠網獨知此夜月依遲慕神賞

詠池上梨花

翻堦沒細草集水間踈萍芳春照流雪深夕映繁星

詠梧桐

騫鳳影層枝輕虹鏡展綠豈數龍門幽直慕瑤池曲

詠女蘿

晁羅女蘿草蔓衍旁松枝含煙黃且綠因風卷復垂

移席琴室應司徒教

雪崖似留月蘿徑若披雲瀑浚石溜瀉綿巒山雨聞

抄衆書應司徒教

說禮固多才惇詩信為善巖筇發仙華金滕開碧篆

奉和代徐二首

玉臺作自
君之出矣

自君之出矣芳蕤絕瑤卮思君如形影寢興未曾離
自君之出矣金鑪香不然思君如明燭中宵空自煎

擬古二首

一作代葉砧
二作鏡臺

花帶今何在亦是林下生何當垂雙髻團扇雲間明
鏡臺今何在寸身正相隨何當碎聯玉雲上壁已虧

四色詠

赤如城霞起青如松霧澈黑如幽都雲白如瑤池雪

離合賦物為詠

玉璫云
詠火

冰容慙遠鑒水質謝明暉是照相思夕早望行人歸

後園作迴文詩

此當為梁元帝詩觀簡文諸人和詩可見藝文逸名侯再考證

斜峯繞徑曲聳石帶山連花餘拂戲鳥樹密隱鳴蟬

雙聲詩

園蘅眩紅蘼湖荇燁黃華迴鶴橫淮翰遠越合雲霞

代五雜組

五雜組慶雲發往復還經天月不獲已生胡越

奉和織織

而頭纖纖綺上紋半白半黑鷓鴣翔羣
膈膈膊膊烏迷曛磊磊落落玉石分

王延

別蕭誥議

霏雲承永夜皓燭驚離軒執酒愴誰與舉袖默無言忍
茲君為別如此歲方暄年深北岫時鳥思南國園江上
愁別日階下樹芳蓀

欽定四庫全書

古詩紀
卷六十七

子九

古詩紀卷六十七

欽定四庫全書

古詩紀卷六十八

明 馮惟訥 撰

齊第三

謝朓

字玄暉永僕射景仁之從孫少有美名齊隨王

子隆鎮荊州以為文學未幾求還都除新安王
諮議掌中書詔詰轉中書郎出補宣城太守後遷
至吏部郎兼衛尉永元初江右謀立始安王遙光
引以為黨不從收下獄死○詩品曰謝朓詩其源
出于謝混微傷細密頗在不倫一章之中自有玉
石然奇章秀句往往警道足使叔源失步明遠變
色善自發詩端而未篇多躋此意銳而才弱也至
為後進士子之所嗟慕朓極與余論詩感激頓挫

過其
文

樂府

隨王鼓吹曲十首

以下
五言

齊永明八年謝朓奉鎮西隨王敕於荊州道中作
鈞天以上三曲頌帝功枝獵以上三曲頌藩德

元會曲

二儀啟昌歷三陽應慶期珪瓚紛成序鞀譯憬來思分
階杕組練充庭羅翠旗觴流白日下吹溢景雲滋天儀
穆藻殿萬寓壽皇基

郊祀曲

六宗禋配岳五時奠甘泉
整蹕遊九闕清簫開八埏
鏘鏘玉鑾動溶溶金障旋
郊宮光已屬升柴禮既虔
福饗靈之集南岳固斯年

鈞天曲

高晏顯天臺置酒迎風觀
笙鏞禮百神鍾石動雲漢
瑤堂琴瑟驚綺席舞衣散
威鳳來參差玄鶴起凌亂
已慶明庭樂詎慙南風彈

入朝曲

江南佳麗地金陵帝王州
逶迤帶綠水迢遞起朱樓
飛甍夾馳道垂楊蔭御溝
凝笳翼高蓋疊鼓送華輶
獻納雲臺表功名良可收

出蕃曲

雲枝紫微內分組承明阿
飛艎朔極浦旌節去關河
眇眇蒼山色沉沉寒水波
銑音巴渝曲簫鼓盛唐歌
夫君邁惟德江漢仰清和

校獵曲

凝霜冬十月殺盛涼颼哀原澤曠千里騰騎紛往來平
置望煙合烈火從風迴殪獸華容浦張樂荆山臺虞人
昔有諭明明時戒哉

從戎曲

選旅辭轅轅弭節赴河源日起霜戈照風迴連騎翻紅
塵朝夜合黃沙萬里昏寥戾清笳轉蕭條邊馬煩自勉
輟耕願征役去何言

送遠曲

北梁辭歡宴南浦送佳人
方衢控龍馬平路騁朱輪
瓊筵妙舞絕桂席羽觴陳
白雲丘陵遠山川時未因
一為清吹激潺湲傷別巾

登山曲

天明開秀寧瀾光媚碧堤
風盪飄鶯亂雲行芳樹低
暮春春服美遊駕凌丹梯
升嶠既小魯登巒且悵齊
王孫尚遊衍蕙草正萋萋

泛水曲

玉露霑翠葉金風鳴素枝
罷遊平樂苑泛鷁昆明池
旌旗散容裔簫管吹參差
日晚厭遵渚採菱贈清漪
百年如流水寸心寧共知

江上曲

易陽春草出踟躕日已暮
蓮葉尚田田淇水不可渡
願子淹桂舟時同千里路
千里既相許桂舟復容與
江上可采菱清歌共南楚

蒲生行

本集不載見樂府詩集

蒲生廣湖邊託身洪波側春露惠我澤秋霜解我色根
葉從風浪常恐不永植攝生各有命豈云智與力安得
遊雲上與爾同羽翼

詠邯鄲才人嫁為廝養卒婦

生平宮閣裡出入侍丹墀開筍方羅轂窺鏡比蛾眉初
別意未解去久日生悲憔悴不自識嬌羞餘故姿夢中
忽彷彿猶言承燕私

同沈右率諸公賦鼓吹曲名

右率諸公詩
各見本集

芳樹

早翫華池陰復影

一作鼓

滄洲杳椅杙芳若斯歲蕤紛可

結霜下桂枝銷怨與飛蓬折不廁玉盤滋誰憐終委絕

臨高臺

千里常思歸登臺臨綺翼纔見孤鳥還未辨連山極四
面動清風朝夜起寒色誰知倦遊者嗟此故鄉憶

同賦雜曲名

時為宣城守檀秀才江朝詩
陶功曹朱孝廉同賦詩別見

秋竹曲

嬋娟綺窓北結根未參差從風旣裊裊映日頗離離欲
求棗下吹別有江南枝但能凌白雪貞心蔭曲池

曲池之水

緩步遵莓渚披衿待蕙風芙蓉舞輕帶芭筍出芳叢浮
雲自西北江海思無窮鳥去能傳響見我綠琴中

同謝諮議詠銅爵臺

總帷飄井幹樽酒若平生鬱鬱西陵樹詎聞歌吹聲芳

襟染淚迹嬋娟空復情玉座猶寂寞況乃妾身輕

永明樂十首

王融
同賦

南齊書樂志曰永明樂歌者竟陵王
子良與諸文士造奏之人為十曲

帝圖開九有皇風浮四溟永明一為樂咸池無復靈
民和禮樂富世清歌頌徽鴻名軼卷領稱首邁垂衣
朱臺鬱相望青槐分馳道秋雲湛甘露春風散芝草
龍樓日月照溜館風雲清儲光溫似玉藩度式如瓊
化洽鯁海君恩變龍庭長西北驚環裘東南盡龜象

出車長洲苑選旅朝夕川絡絡結雲騎奕奕泛戈船
燕駟遊京洛趙服麗有輝清歌留上客妙舞送將歸
實相薄五禮妙花開六塵明祥已玉燭寶瑞亦金輪
生蔑苕蘿性身與佳惠隆飛纓入華殿屣步出重宮
彩鳳鳴朝陽玄鶴舞清商瑞此永明曲千載為金皇
同王王簿有所思

佳期期未歸望望下鳴機徘徊東陌上月出行人稀
銅雀悲

落日高城上餘光入總帷
寂寂深松晚寧知琴瑟悲

玉階怨

夕殿下珠簾流螢飛復息
長夜縫羅衣思君此何極

金谷聚

渠碗送佳人玉杯邀

玉臺作要

上客車馬一東西別後思今

夕

王孫遊

綠草蔓如絲雜樹紅英發
無論君不歸君歸芳已歇

詩

侍宴華光殿曲水奉勅為皇太子作

九章以下四言

旁求邃古邈聽鴻名大寶曰位得一為貞朱梯叶祉綠
字搞英升配同貫進讓殊聲

大橫將屬會昌已命國步中徂宸居膺慶璽劍先傳龜
玉增映宗堯有緒復禹無兢

禮行郊社人神受職寶效山川鱗羽變色玄塞北靡丹

徽南極浮羣駕風非

本集作飛

泳非

本集作登

陟

能官民秀利建天跗
枵鵠列野營絳分區
論思帝則獻納宸樞
麟趾方定鵜翼誰濡

西京靄靄東都濟濟
秋夜濯流春袂浮醴
初吉云獻上除方啟
昔駕陽潁今帳雲陛

嘉樂舊矣芳宴在斯
載留神矚有睟天儀
龍精已映威仰未移
葉依黃鳥花落春池

高殿弘敞禁林稠密
青磴崛起丹樓間出
翠葆隨風金戈動日
惆悵清管徘徊輕佾

灞漣入筵河淇流昨海

一作
蝸

若

一作
谷

來往觴有汧汭歡

飫有終

本集作
終日

清光欲暮輕貂回首

本集
作道

華組徐步

登賢博望獻賦清漳漢貳稱敏魏兩垂芳監撫有則七
壘無方瞻言守器永愧元良

三日侍華光殿曲水宴代人應詔

十章

羣分未辨類聚茲式天睠休明且求至德御繁實簡制
動惟默官府百王衣裳萬國

中葉遭閔副內多違悠悠靈貺爰有適歸於昭睿后撫

運天飛凝居中縣神動外畿

懸象著明離光乃位我有儲德徽猷淵備長壽察書龍
樓廻轡重道上庠行遵儒肆

朝陽有幹布葉萋萋思皇威矣鵠羽高棲出馳先輅入
秉介珪瞻秦望井建魯分奎

求賢每勞得士方逸有覺斯順無文咸秩萬箱惟重百
鏹載卹屈草戒諛階莫紀日

文教已肅武節既馳榮光可照合璧如規載懷姑射尚

想瑤池濯龍乃飾天淵在斯

作樂順動實符時義上春初吉亦留淵寄紅樹巖舒青
莎水被雕梁虹拖雲霓鳥跂

高懸甲帳周塞黼帷長筵列陛激水旋墀浮醪聚蟻靈
蔡呈姿河宗躍踢海介夔跣

弱腕纖腰遷延妙舞秦箏趙瑟殷勤促柱降席連綏稱
觴接武稽首萬年獻茲多祐

天地既成泉流既清薄暮沾幸屬奉文明將標齊配刻

掃秦京願馳龍漠飲馬懸旌

三日侍宴曲水代人應詔

九章

神理內寂機象外融遺情汾水垂冕鴻宮樹以司牧匪
我求蒙徒勤日用誰契玄功
往晦必明來碩資蹇於皇克聖時乘御辯寶歷載暉瑤
光重踐昭昭舊物熙熙遷善

當宇日是求衣未明抵壁焚翠銷劍隳城九疇式序三
辟載清虞箴罔闕矇奏傳聲

麗景則春儀方在震重聖積厚金式瓊潤天爵必諧王
臣咸盡譬諸華霍惟邦之鎮


正朔葱瀚冠冕邛越爭長明堂相超魏闕龜蒙南薦環
表西發巢閣易窺馴庭難臧

上已惟昔于彼袂流祓穢河澣張樂春疇既停龍駕亦
泛見舟靈宮備矣無待茲遊

初鶯鳴曉朝霞開夜飾陞道源迴伊流灞極望天淵曲
阻亭榭間館巖敞長廊水架

金觴搖蕩玉俎推移
浮水豹席擾雲螭
寒亮琴瑟嗽
吡墳羌歡茲廣讌
穆穆天儀

周道如砥康衢載直
徒愧玄黃負恩無力
華輜徒駕長
纓未飾相彼失晨
寧忘鼓翼



古詩紀卷六十八

欽定四庫全書

集部

古詩紀卷六十九至七十一

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣湯師錫

欽定四庫全書

古詩紀卷六十九

明 馮惟訥 撰

齊第四

謝朓

詩

遊山

以下
五言

託養因支離乘閒遂疲蹇語默良未尋得喪云誰辯
幸蒞山水都復值清冬緬凌崖必千仞尋谿將萬轉堅

崿既峻嶒迴流復宛澶杳杳雲竇深淵淵石溜淺傍
眺鬱篥簌還望森栴檀荒隩被葳莎崩壁帶苔蘚鼯
狖叫層巖鷗鳬戲沙行觸賞聊自觀即趣咸已展經目
惜所遇前路欣方踐無言蕙草歇留垣芳可搴尚子時
未歸邴生思自免永志昔所欽勝迹今能選寄言賞心客
得性良為善

遊敬亭山

茲山亘百里合沓與雲齊隱淪既已託靈異居然棲上

干蔽白日下屬帶迴谿交藤荒且蔓
樛枝聳復低獨鶴方朝唳
饑飴此夜啼漂雲已漫漫夕雨亦淒淒
我行雖紆組兼得尋幽蹊緣源殊未極
歸徑窅如迷要欲追竒趣即此凌丹梯
皇恩竟已矣茲理庶無睽

將遊湘水尋句溪

既從陵陽釣挂鱗驂赤螭方尋桂水源
謁帝蒼山陞辰哉且未會秉景弄清漪
瑟汨瀉長淀潺湲赴兩岐輕蘋上靡靡
礧石下離離寒草分花映戲鰣乘空移
興以暮

秋月清霜落素枝
魚鳥余方翫纓綏
君自縻及茲暢懷
抱山川長若斯

遊東田

戚戚苦無悰
攜手共行樂
尋雲陟累榭
隨山望菌閣
遠樹曖阡阡
生煙紛漠漠
魚戲新荷動
鳥散餘花落
不對芳春酒
還望青山郭

答王世子

飛雪天山來
飄聚繩櫺外
蒼雲暗九重
北風吹萬籟
有

酒招親朋思與清
顏會熊席惟爾安
素裘豈吾帶公子
不垂堂誰肯憐蕭艾

答張齊興

荆山從百里漢廣流無極
北馳星斗正南望朝雲色
川隰同幽快冠冕異今昔
子肅兩岐功我滯三冬職
誰知京洛念彷彿昆山側
向夕登城濠潛池隱復直
地迥聞遙蟬天長望歸翼
清文忽景麗思泉紛寶飾
勿言修路阻勉子康衢力
曾厓寂且寥歸軫逝言陟

暫使下都夜發新林至京邑贈西府同僚

大江流日夜客心悲未央徒念關山近終知返路長秋
河曙耿耿寒渚夜蒼蒼引領見京室宮雉正相望金波
麗鵲鵲玉繩低建章驅車鼎門外思見昭丘陽馳暉不
可接何況隔兩鄉風雲有鳥路江漢限無梁常恐鷹隼
擊時菊委嚴霜寄言尉羅者寥廓已萬翔

酬王晉安

王德元

稍稍枝早勁塗塗露晚晞南中榮橘柚寧知鴻鴈飛拂

霧朝青閣日旰坐彫闌悵望一途阻參差百慮依春草
秋更綠公子未西歸誰能久京洛緇塵染素衣

郡內高齋間望答呂法曹

呂僧珍為
齊王法曹

結構何迢遞曠望極高深
牕中列遠岫庭際俯喬林
日出衆鳥散山暝孤猿吟
已有池上酌復此風中琴
非君義無度孰為勞寸心
惠而能好我問以瑤華音
若遺金門步見就玉山岑

在邵卧病呈沈尚書

淮揚股肱守高卧猶在茲况復南山曲何異幽棲時連
陰盛農節臺笠聚東菑高閣常晝掩荒堦少諍辭珍
簞清夏室輕扇動涼颼嘉魴聊可薦綠蟻方獨持夏
李沈朱實秋藕折輕絲良辰竟何許夙昔夢佳期坐
嘯徒可積為邦歲已暮弦歌終莫取撫機今自嗤

別王丞僧儒

古文苑
作王融

首夏實清和餘春滿郊甸花樹雜為錦月池皎如練
如何當此時別離言與宴留雜已爵紆行舟亦遙衍非

君不見思所悲思不見

同羈夜集

積念隔炎涼驤言始今夕已對濁尊酒復此故鄉客
霜月始流砌寒蛸早吟隙幸藉京華遊邊城讌良席
樵採咸共同荆莎聊可藉恐君城闕人安能久松柏

新亭渚別范零陵雲

洞庭張樂地瀟湘帝子遊雲去蒼梧野水還江漢流
停驂我長望輟棹子夷猶廣平聽方籍茂陵將見求

心事俱已矣江上徒離憂

忝役湘州與宣城吏民別

弱齡倦簪履薄晚忝華輿間沃盡地區山泉諧所好幸

遇昌化穆惇

一作惇

俗罕驚暴四時從偃息三省無侵冒下

車遽暄席紆服始黔黽榮辱未遑敷德禮何由導汨徂

奉南岳兼秩典邦號疲馬方云驅鉛刀安可操遺惠良寂寞

恩靈亦匪報桂水日悠悠結言幸相勞吐納貽爾和窮通勗

所蹈

懷故人

懷一作贈

芳洲有杜若可以贈佳期望望忽超遠何由見所思行
行未千里山川已間之離居方歲月故人不在茲清風
動簾夜孤月照牕時安得同攜手酌酒賦新詩

始之宣城郡

下帷闕章句高談魏名理踈散謝公卿蕭條依椽吏簪髮
逢嘉會教義承君子心迹苦未并憂歡將十祀幸沾雲雨
慶方轡參多士振鷺徒追飛羣龍難隸齒烹鮮止貪兢

共治理

一作屬

康耻伊余昧損益何用祇千里解劔北宮朝息

駕南川溪寧布廣平詠聊慕華陰市棄置宛洛遊多謝
金門裏招招漾輕楫行行趨巖趾江海雖未從山林於此始
之宣城郡出新林浦向板橋

江路西南永歸流東北驚天際識歸舟雲中辨江樹旅
思倦搖搖孤遊昔已屢既歡懷祿情復協滄洲趣囂
塵自茲隔賞心於此過雖無玄豹姿終隱南山霧

休沐重還丹陽道中

薄遊第從告思閒
願罷歸還叩歌賦
似休汝車騎非灞池不
可別伊川難重遠
汀葭稍靡靡江蓼復依依
田鵠遠相呌沙鵠忽爭飛
雲端楚山見林表吳岫微
試與征徒望鄉淚盡
沾衣賴此盈樽酌
含景望芳菲問我勞何事
霑沐仰清徽志狹輕軒冕
思甚戀閨闈歲華春有酒
初服偃郊扉

京路夜發

擾擾整夜裝肅肅戒徂兩
曉星正寥落晨光復瀼瀼
猶沾餘露團稍見朝霞上
故鄉邈已復山川脩且廣
文奏

方盈前懷人去心賞敕躬每跼踖瞻恩惟震蕩行矣
倦路長無由稅歸鞅

晚登三山還望京邑

灞溪望長安河陽視京縣白日麗飛甍參差皆可見餘
霞散成綺澄江靜如練喧一作鳥覆春洲雜英滿芳甸

去矣方滯淫懷哉罷歡宴佳期悵何許淚下如流霰有
情知望鄉誰能鬢不變

始出尚書省

惟昔逢休明十載朝雲陛既通金閨籍復酌瓊筵醴宸
景厭昭臨昏風淪繼體紛虹亂朝日濁河穢清濟防口
猶寬政餐茶更如薺英袞暢人謀文明固天啓青精翼
紫軼黃旗映朱邸還覩司隸章復見東都禮中區咸已
泰輕生諒昭洒音洗趨事辭宮闕載筆陪旌棨邑里向踈
蕪寒流自清泚哀柳尚沈沈凝露方沉沉零落悲友朋歡
娛燕兄弟既秉丹石心寧流素絲涕因此得蕭散垂竿
深澗底

直中書省

紫殿肅陰陰彤庭赫弘敞風動萬年枝日華承露掌玲瓏結綺錢深沈映朱網紅藥當階翻蒼苔依砌上茲言翔鳳池鳴珮多清響信美非吾室中園思偃仰朋情以鬱陶春物方駘蕩安得凌風翰聊恣山泉賞

觀朝雨

朔風吹飛雨蕭條江上來既灑百常觀復集九成臺空濛如薄霧散漫似輕埃平明振衣坐重門猶未開耳目

暫無擾懷古信悠哉戰翼希驤首乘流畏曝鰓動息無
兼遂岐路多徘徊方同戰勝者去剪北山萊

宣城郡內登望

借問下車日匪直望舒圓寒城一以眺平楚正蒼然山
積陵陽阻溪流春穀泉威紆距遙甸巉岩帶遠天切切
陰風暮桑柘起寒煙悵望心已極惆恍魂屢遷結髮倦
為旅平生早事邊誰規鼎食盛寧要狐白鮮方棄汝南
諾言稅遼東田

冬日晚郡事隙

案牘時閒暇偶坐觀卉木颯颯滿池荷脩脩蔭牕竹簷
隙自周流房櫳閒且肅蒼翠望寒山崢嶸瞰平陸已惕
慕歸心復傷千里目風霜旦夕甚蕙草無芬馥云誰美
笙簧孰是厭邁軸願言稅逸駕臨潭餌秋菊

高齋視事

餘雪映青山寒霧開白日曖曖江村見離離海樹出披
衣就清盥憑軒方秉筆列俎歸單味連駕止容膝空為

大國憂紛詭諒非一安得掃荒逕鎖吾愁與疾

冬緒羈懷示蕭諮議虞田曹劉江二常侍

去國懷丘園入遠滯城闕寒燈耿宵夢清鏡悲曉髮風
草不留霜永池共如月寂寞此間惟琴尊任所對客念
坐嬋媛年華稍荏蕕夙慕雲澤遊共奉荆臺績一作績

聽春鶯喧再視秋鴻沒疲驂良易返恩一作思波不可越

誰慕臨淄鼎常希茂陵渴依隱幸自從求心果蕪昧方
軫歸與願故山芝未歇

落日悵望

昧旦多紛喧日晏未遑舍落日餘清陰高枕東牕下寒
槐漸如束秋菊行當把借問此何時涼風懷朔馬已傷
慕歸客復思離居者情嗜幸非多案牘偏為寡既乏
瑯琊政方憇洛陽社

賽敬亭山廟喜雨

夕悵懷椒糈蠲景潔簪薌登秋雖未獻望歲佇年祥潭
淵深可厲狹邪車未方朦朧度絕限出沒見林堂秉玉

朝羣帝樽桂迎東皇排雲接虬蓋
蔽日下霓裳會舞紛
瑤席安歌遶鳳梁
百味芬綺帳四座沾羽觴
福被延民澤樂極思故鄉
登山騁歸望原雨晦茫茫
胡寧昧千里解珮拂山莊

賦貧民田

假遇

一作佳鑿

非將迎靖共

一作靜拱

延殊慶中歲厯三臺
旬月

典邦政曾是共治情敢忘卹
貧病將無富教禮孰有知
方性敦本抑工商均業省兼
并察壤見泉脉覘星視農

正黍稷緣高殖穡

一作杭

稌即粳盛舊埒新塍分青苗白

水映遙樹匝清陰連山周遠淨即此風雲佳孤觴聊可
命既微三載道庶藉雨岐詠俾爾倉廩實余從谷口鄭

移病還園示親屬

疲策倦人世歛性就幽蓬停琴佇涼月滅燭聽歸鴻涼
薰乘暮晰秋華臨夜空葉低知露密崖斷識雲重折荷
葺寒袂開鏡眇哀容海暮騰清氣河關祕棲沖煙衡時
未歇芝蘭去相從

治宅

結宇夕陰街荒幽橫九曲迢遞南川陽迤邐西山足闌
館臨秋風敞牕望寒旭風碎池中荷霜翦江南萊既無
東都金且稅東臯粟

秋夜講解

四緣去誰肇七識習未央沈沈

一作淵淵

倒營魄苦蔭感愁

腸琴瑟徒爛漫姦容空湍堂春顏遽幾日秋壑終茫茫
孰云濟沈溺假願託津梁惠唱摘泉湧妙演發金相空

有定無執賓賓固相忘自來呈首夏及此申暮霜雲物

清晨景衣巾引夕涼風振蕉蓮裂霜下梧楸傷

一作露下梧桐

傷六龍且無借三相寧久長何時接靈應及子同舟航

春思

茹谿發春水阡山起朝日蘭色望已同萍際轉如一巢

燕聲上下黃鳥弄儔匹邊郊阻遊衍故人盈契濶夢寐

借假黃思歸賴倚瑟幽念漸鬱陶山楹永為室

秋夜

秋夜促織鳴南鄰搥衣急思君隔九重夜夜空佇立
北窓輕幔垂西戶月光入何知白露下坐視階前濕誰能
長分居秋盡冬復及

詠風

徘徊發紅萼歲蕤動綠莖垂楊低復舉新萍合且離步
檐行袖靡當戶思襟披高響飄歌吹相思子未知時拂
孤鸞鏡星鬢視參差

詠竹

牕前一叢竹青翠獨言奇南條交北葉新筍雜故枝月
光疎已密風來起復垂青扈飛不礙黃口得相窺但恨
從風籜根株長別離

詠落梅

新葉初冉冉初蕊新菲菲逢君後園燕相隨巧笑歸親
勞君玉指摘以贈南威用持挿雲髻翡翠比光輝日暮
長零落君恩不可追

詠牆北梔子

有美當階樹霜露未能移金蕢發朱彩映日以離離
幸賴夕陽下餘景及西枝還思照綠水君階無曲池餘榮
未能已晚實猶見奇復留傾筐德君恩信未貲

古詩紀卷六十九

欽定四庫全書

古詩紀卷七十

明 馮惟訥 撰

齊第五

謝朓 三

詩

奉和竟陵王同沈右率過劉先生墓

嘉樹因枝條琢玉良可寶
若人陵曲臺垂帷茂淵道
善誘宗學原鳴鐘霽幽抱
仁馬徂宛洛清徽夜何早
歲晚

結松陰平原亂秋草不有至言揚終滯西山老

和何議曹郊遊二首

春心澹容與挾弋步中林朝光映紅萼微風吹好音江
垂得清賞山際果幽尋未嘗遠離別知此愜歸心流涕
終靡已嗟行方至今

江臯倦遊客薄暮懷歸者揚舲浮大川惆悵至日下
靡靡青莎被潺湲石榴瀉寄語持笙簫舒憂願自假歸
途豈難涉翻同江上夏

和劉西曹望海臺

此詩本見謝朓集選詩拾遺云鍾憲作不知何據既不能明姑

並存之

滄波不可望望極與天平
徃徃孤山映處處春雲生
差池遠鴈沒颯沓羣鳬驚
翬塵及簿領棄捨出重城
臨川徒可羨結網庶時營

和宋記室省中

落日飛鳥遠憂來不可極
竹樹澄遠陰雲霞成異色
懷歸欲乘電瞻言思解翼
清揚婉禁居秘此文墨職無歎

阻琴樽相從伊水側

和王著作融八公山

二別阻漢坻雙嶠望河澳茲嶺復嶺分區莫淮服東
限瑯瑯臺西距孟諸陸阡眠起雜樹檀欒蔭脩竹日隱
澗疑空雲聚岫如複出沒眺樓雉遠近送春日戎州昔
亂華素景淪伊穀沾危賴宗袞微管寄明牧長蛇固能
剪奔鯨自此曝道峻芳塵流業遙年運脩平生仰令圖
吁嗟命不淑浩蕩別親知連其作翮戒征軸再遠館娃

宮兩去河陽谷風煙四時犯霜雨朝夜沐春秀良已凋
秋塲庶能築

和伏武昌登孫權故城

伏曼容為武昌太守

炎靈遺劍璽當塗駭龍戰聖期缺中壤霸功興寓縣鵲
起登吳山鳳翔凌楚甸衿帶窮巖險帷帟音亦盡謀選北

拒溺驂鑣西龕收組練江海既無波俯仰流英眄裴冕
類裡郊卜揆崇離殿釣臺臨講閱樊山開廣譙文物共
歲甦聲明且葱蒨三光厭分景書軌欲同薦參差世紀

忽寂寞市朝變舞館識餘基歌梁想遺囀故林哀木平
荒池秋草徧雄圖悵若茲茂宰深遐睠幽客滯江臯從
賞乖纓升清卮阻獻酬良書限聞見幸藉芳音多承風
采餘絢于役倘有期鄂渚渚同遊衍

夏始和劉潺陵

威仰弛蒼郊龍曜表皇隰春色卷遙甸炎光麗近邑白
蘋望已騁緗荷紛可襲徒願尺波旋終憐寸景戢對窻斜
日過洞幌鮮飈入浮雲去欲窮暮鳥飛相及柔翰縝芳

塵清源非易揖廻江難絕濟云誰暢佇立良宰勗夜漁
出入事朝汲積羽余既裳更賦子盈粒椅梧何必零歸
來共棲集

新治北憲和何從事

國小暇日多民淳紛務屏闢牖期清曠開簾候風景決
決日照溪團團雲去嶺茗菴蘭橈峻駢闐石路整池北
樹如浮竹外山猶影自來彌弦望及君臨箕穎清文蔚
且詠微言超已領不見城壕側思君朝夕頃廻舟方在

辰何以慰延頸

和王主簿季哲怨情

掖庭聘絕國長門失歡宴相逢詠薜蘿
燕辭寵悲團

一作班

扇花叢亂數蝶風簾入雙燕徒使春帶
賒坐惜紅粧變

生平一顧重宿昔千金賤故人心尚爾
故心人不見

一作

故心
不見

和徐都曹出新亭渚

宛洛佳遨遊春色滿皇州結軫青郊路
迴瞰蒼江流日

華川上動風光草際浮桃李成蹊徑桑榆蔭道周東都
已俶載言歸望綠疇

和劉中書

昔余侍君子歷此遊荆漢山川隔舊賞朋僚多雨散圖
南矯風翮曾非息短翰移疾覲新篇披衣起淵翫惆悵
懷昔踐彷彿得殊觀頽紫共彬駸雲錦相凌亂奔星上
未窮驚雷下將半迴潮漬崩樹輪囷軋傾岸巖篠或傍
翻石菌蕪脩幹澄澄明浦媚衍衍清風爛江潭良在目

懷賢興累數歲暮不我期淹留絕巖畔

和蕭中庶直石頭

九河亘積岨三變鬱旁眺皇州總地德回江歎巖徼井
幹赭蒼林雲霓蔽層嶠川霞旦上薄山光晚餘照翔集
亂歸飛虹蜺紛引曜君子奉神略瞰迥憑重峭彈冠已
籍甚升車益英妙功存漢冊書榮並周庭燎汲疾移偃
息董園倚談笑麾旆一悠悠謙姿光且劭謙嘉多暇日
興文起淵調曰余廁鱗羽滅影從漁釣澤渥資投分逢

迎典待詔詠沼邈含毫專城空坐嘯徒慚皇鑒揆終延
曲士諄方追隱淪訣偶解金丹要若偶巫咸招帝閭良
可叫

和王長史卧病

岬岫欵崇崖派別朝洪河兔園文雅盛章臺冠蓋多淵
襟眷賡岳巽贊動眎歌顧影慚駢服載筆旅江沱縞衣
分可獻琴言暖已和青臯向還色春潤視生波巖垂變
好鳥松上改陳蘿日與歲眇邈歸恨積一作稍蹉跎願緝

吳山杜寧袂楚池荷清風豈孤劬功遂懷曾阿勿藥良
有暢荏苒芳未過幸留清尊味言藉故田莎

和江丞北戍瑯琊城

春城麗白日阿閣跨層樓蒼江忽渺渺驅馬復悠悠京
洛多塵霧淮濟未安流豈不思撫劍惜哉無輕舟夫君
良自勉歲暮勿淹留

和沈祭酒行園

清淮左長薄荒徑隱高蓬回潮旦夕上寒渠左右通霜

畦紛綺錯秋町鬱蒙茸環梨縣已紫珠榴折且紅君有
棲心地伊我歡既同何用甘泉側玉樹望青葱

奉和隨王殿下十六首

高秋夜方靜神居肅且深閒階塗廣露涼宇澄月陰嬋
娟影池竹踈蕪散風林淵情協爽節詠言興德音闇道
空已積千直愧蓬心

星回夜未艾洞房凝遠情雲陰滿池榭中月懸高城喬
木含風霧行鴈飛且鳴平臺盛文雅西園富羣英芳

慶良永矣君王嗣德聲眷此伊洛詠載懷汾水情顧已
非麗則恭惠奉仁明觀溜詠已失憮然愧簪纓

神心遺魏闕中想顧汾陽肅景懷辰豫捐玦翦山楊一作

楊時維清夏始雲景暖含芳月陰洞野色日華麗池光

草合亭臯遠霞生川路長端坐聞鶴引靜瑟愴復傷懷
哉泉石思歌詠鬱瓊相春塘多迭駕言從伊與商袞職
眷英覽獨善伊何忘願輟東都遠弘道侍云梁

睿心重離析岐路清江隈四面寒飈舉千里白雲來川

長別管思地迥翻旗回還顧昭陽闕超遠章華臺置
酒巫山日為君傳玉杯

桂樓飛絕限超遠向江歧輕雲霽廣甸微風散清
漪連連絕鴈舉渺渺青煙移嚴城亂芸草霜塘凋
素枝氣爽深遙矚豫永聊停曦即已終可悅盈尊
且若斯

念深冲照廣業闡清化玄端儀穆金殿敷教藻瓊
筵船港輕帷藹馨轉芳風旋卷轡樓道樹方津棹法

舡歸興憑大造昭塗良易筌

玄冬寂修夜天圍靜且開亭臯霜氣愴松宇清
風來高琴時以思幽人多感懷幸藉汾陽想嶺
首正徘徊

愴愴緒風興祁祁族雲布嚴氣集高軒稠陰結寒樹日
月謬論思朝夕承清豫徒藉小山文空揖章臺賦

肅景遊清都修簪侍蘭室累榭踈遠風黃庭麗朝日
穆穆神儀靜惜惜道言密一食繫靈表無吝科年厯

清房洞已靜閒風伊夜來雲生樹陰遠軒廣月容開宴
私移燭飲遊賞藉琴臺風猷冠淄鄴衽烏愧唐枚

方池含積水明月流皎鏡規荷承日泣影鱗與風泳上
善叶淵心止川測動性幸是方春來側點游濠域

浮雲西北起飛來下高堂合散輕帷表飄舞桂臺陽遙
階收委羽平地如夜光眷言金玉照顧慚蘭蕙芳

炎光缺風雅宗霸拯時淪龍德待雲霧令圖方再晨歲
遠荒城思霜華宿草陳英威遽如是徘徊岐路人

分悲玉瑟斷別緒金樽傾風入芳帷散缸華蘭殿明想
折中國草共知千里情行雲故鄉色贈此一離聲

年華豫已滌夜艾賞方融新萍時合水弱草未勝風閨
幽瑟易鄉音臺迴月難中春物廣餘照蘭萱佩未窮

連漪映餘雪嚴城限深霧清寒起洞門東風急池樹神
居望已肅徘徊舉冲趣棲歸如遲詠丘山不可屢

和紀參軍服散得益

金液稱九轉西山歌五色鍊質乃排雲濯景終不測雲

英亦可餌且駐羲和力能令長卿卧暫故遇真識

和王中丞聞琴

涼風吹月露圓景動清陰蕙風入懷抱聞君此夜琴蕭
瑟滿林聽輕鳴響濶音無為澹容與蹉跎江海心

贈王主簿二首

日落牕中坐紅粧好顏色舞衣襞未縫流黃覆不織蜻
蛉草際飛遊蜂花上食一遇長相思願寄連翩翼

清吹要碧玉調弦命綠珠輕歌急綺帶含笑解羅襦餘

曲詎幾許高駕且踟躕徘徊韶景暮

一作憐暮景

惟有洛城

隅

和沈右率諸君餞謝文學

春夜別清樽江潭復為客歎息東流水如何故鄉陌重
樹日芬藍芳洲轉如積望望荆臺下歸夢相思夕

古詩紀卷七十